

18. juli 2016

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaatinik saqqummiussivunga:

Apeqqut:

- 1. Ilumoorpa, oqarasuaatikkut ilaqtariinnut siunnersuisarfik sapaatip akunneranut unnukkut marloriaannarluni ammasartoq?**
- 2. Oqarasuaatikkut ilaqtariinnut siunnersuisarfik qasseriarluni saaffigineqarsimava 2015-imi?**
- 3. Qanoq akeqassava oqarasutaatikkut ilaqtariinnut siunnersuisarfiup ammarsarfii suli marlunnik unuttalissagaanni, s.a. oqarasuaat ammatilerlugu ataasinngornermiit sisamangornermut?**
- 4. Naalackersuisut qanormitaava naliliippat ilaqtariinnut saaffiginnittarfiit akissarsiatigut 50%-imik tapiiffigalugit, angajoqqaanut pikkorissartitsinerit soqutiginnissinnaasunut siammasinnerusumut neqeroorutigineqartalissappata (pikkorissartitsinerit unnukkut atuartitsinerit malittarisassaannullu attuummassangillat)?**

Naalackersuisut akissuteqaammini aallarniutigissavaat pikkorissartitsinissaq sapaatip akunneranut, akunnerit marluk qaammatini marlunni.

- 5. Apeqqummi 4-misut aaqqissuussissagaanni inatsisit atuutereersut atuinnarlugit aaqqissuunneqarsinnaava; aningaasanut inatsimmut ilannguutiinnarneratigut?**
(Inatsisartuni ilaasortaq, Laura Tàunâjik, Siumut)

Tunggavilersuut:

Angajoqqaat pitsaasut qanoq ilillugit pilersinneqartarpat? Asanninneq pigigaanni soorunami angusaqarsinnaalluarpoq, asanninnerlu naammangilaq meeqqap naammagisaannik atorfissaqartitaannillu isumassorneqarlunilu ineriartorluassappat.

Meeqqamut tunniussassat naammattut tunniunnarutsigit, taava angajoqqaatut ilisimasariaqarpoq meeqqap pisariaqartitai suunersut, aamma ilisimasariaqarpoq meeraq qanoq ililluni

killilerneqarsinnaanersoq, meeqqap inerikkiartortinnissaa soqutiginnilersinnissaa aammalu peqataatillugu ilikkagaqarnissaa qanoq aqutissiorneqartarnersoq.

Angajoqqaarparujussuit perorsaanissartik ajornakusoortippaat.

Ilaqutariinnut ajornartorsiutilinnut kommuunit ilaqutariinnut saaffiginnittarfii aqutissaalluarsinnaapput, illoqarfinni 15-iusuni ilaqutariinnut saaffiginnittarfeqarpoq. Illoqarfiit pineqartut avataatigut meeqqanut perorsaanermik pikkorissaasoqarsinnaavoq ilaqutariinnut højskolenik taaneqartunik. Namminersornerusut kommuunit ilaqutariinnut saaffigisartagaannut ammalu ilaqutariit højskoliinut aningaasatigut tapiisarput.

Ilaqutariinnut saaffiginnittarfiit aammalu ilaqutariinnut højskolit ilaqutariinnut ingerlanerluttukkormiuunerusunut atuuffeqarput.

Apeqqullu uaniippoq, ilaqutariit siammasinnerusut saaffigisariaqalernersut, ajornartorsiutaareersunik pinaveersaartitsinermi aammalu meeqqat atugaasa pitsaangorsarniarnerini meeqqallu ineriartornerat siammasinnerusumik eqqorniaranni sullinniakkat siammasinnerusariaqarsinnaapput: tassami angajoqqaat amerlanerusut atorfissaqartinnginnamikkat pikkorissartinneqarnissartik, angajoqqaat pissusilersornissap qanorpiaq tigussaasumik paasineqarsinnaanersoq aammalu meeqqat assigiinngitsunik ukiullit qanorpiaq perorsartariaanersut eqqarsaatigigaanni?

Nalunngilara, ukiorpassuarni ilaqutariinnut oqarasuaatikkut siunnersuisarfeqarsimasoq, taannalu paasinerlussimangikkukku sapaatip akunneranut unnukkut marloriarluni ammasarfeqarpoq. Tassungalu sianeraanni - kinaassutsimik isertugaalluni - sianertoqarsinnaavoq s.a. meeqqanik perorsaanikkut siunnersortikkumagaanni sianertoqarsinnaalluni.

Iliuserisaq taanna ajunngilluinarpoq, kisianni naammappa?

Periarfissaq alla unaasinnaavoq piffissami aalajangersimasumi misilittaalluni soorlu ukioq ataaseq oqarasuaatikkut ilaqutariinnut siunnersortinnermi ammarsarfiit annertusarneqarsinnaapput, tamannalu aqutigalugu paasinarsissaaq suli amerlanerusunit saaffiginnittoqassanersoq.

Periarfissaq alla tassaasinnaavoq ilaqutariinnut saaffiginnittarfinnut tapiisoqarsinnaammat, angajoqqaanik pikkorissaasoqarnissaa siammasinnerusumillu saaffiginnittoqarnissaa angujumallugu aaqqissuussisoqarsinnaammat, unnukkut atuartitsisarnermi periusiusartut ilaarlugit (taamaattoq unnukkut atuartitsinermi aaqqissuussinerit avaqqullugit ingerlanneqassasut). Takorlooruminarpoq immaqa pikkorissaasoqartoq sapaatip akunneranut akunnerni marlunni katillugit qaammatini marlunni. Namminersornerusut tapiissagaluarput s.a. ilaqutariinnut saaffiginnittarfinnut tapiissutaasartunut assingusumik, imaappoq akissarsiat 50%-ii akilerlugit.